



10. november 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

1. Inuussutissarsiutinik inerisaanissamut siunertalimmik periusissioinnissaq (UKA 2025/106 suliarineqarneranut atatillugu eqqaaneqartoq) qaqugu naammassissanersoq tamanullu saqqummiunnissaanut piariissasoq Naalakkersuisut naatsorsuutigaat?
 - a. Piviusunngortinnissaanut suliniarneq qaqugu aallartissanersoq naatsorsuutaava?
 - b. 2026-imi ataavartitsineq suliniarnerlu qanoq qulakkeerneqassappat?
2. Inuussutissarsiutinik inerisaanissamut siunertalimmik periusissioinnissap sunik tigussaasunik imaqarnissaa naatsorsuutaava?
 - a. Suut pingaarnertut suliniutigineqartussatut pingaartinneqartussatut naatsorsuutigineqarpat?
 - b. Oqartussaaffiit akimorlugit sammisat suut ilanngunneqassappat?
 - c. Angusat tigussaasut imaluunniit anguniakkat soorliit (KPI) qaammatini 12-24 siullerni Naalakkersuisut malittariniarpat?
3. Ingerlatani sorlarni sumiiffinnilu sorlarni periusissiaq atorneqarniarpa?
 - a. Periusissiaq kommunit tamaasa nunallu immikkoortortai tamaasa atuuffiginiarpai?
 - i. Piffinni inukinnerusuni immikkut iliuuseqartoqarniarpa?
4. Periusissiamik suliaq qanoq aaqqissuussaava?
 - a. Naalakkersuisoqarfiit sorliit aammalu suleqatigisassat sorliit peqataatinneqarpat?
 - b. Atuutitsilernissamut kina akisussaannerpaava?
 - c. Kommunit, inuussutissarsiortut kattuffii kattuffiillu allat suliamut qanoq akuutinneqartiginiarpat?
5. Periusissiami aningaasaliissutit suut atorneqarpat?
 - a. Tapeeriaatsit suut, siunnersuinerit, taarsigassarsiinerit, qularnaveeqqusiinerit imaluunniit piginnaasanik qaffassaanerit suut pilersinneqassappat?
 - b. Nittarsaassinernut, ataatsimeersuarnernut assigisaannullu aallarnisaasut aallartisarnernannut peqataatitsinissamut aningaasartuutitut tapiissuteqarnissaq eqqarsaasersuutigineqarpa?
 - c. Qanoq ilillutik Naalakkersuisut piffissamut ungasinnerusumut aningaasaliinissaq qulakkeerniarpat aammalu malittariuarnissaa qanoq ingerlanniarpata?



DEMOKRAATIT

6. Periusissiami inuussutissarsiornikkut ineriartornermut naalleraataasinnaasut qanoq paasiniarniarpaat?
 - a. Allaffissornikkut inatsisitigullu aporfiit suut naammattoorneqarpat?
 - i. Qanoq tamakku aaqqinniarnearpat?
 - b. Naalakkersuit qanoq ilillutik aallarnisaasunut suliffeqarfinnullu minnerusunut oqilisaanarlutik sullissineq sivikillisarniarpaat?
 - i. Aallarnisaasut tassani suliami akuutinneqarniarpat?
7. Naalakkersuit qanoq ilillutik inuussutissarsiortut innuttaasullu suliamut peqataatissallugit pilersaarutigaa?
 - a. Inuussutissarsiortut kattuffii innuttaasullu suliamut qanoq tunniussaqaarsinnaappat?
 - b. Tamanut nalunaarutigineqarnissaanut atasumik paasissutissiinermik qaammarsaanissamillu pilersaaruteqartoqarpa?
8. Naalakkersuisut oqaluuserisamut soqutiginaatilinnik allanik paasissutissiisinnaanerlutik?

(Inatsisartunut ilaasortaq Napaartoq Petrussen, Demokraatit)

Tunngavilersuut

UKA 2025/106 suliarineqarneranut atatillugu Naalakkersuisut nalunaarutigaat, inuussutissarsiornikkut periusissiamik nunatsinnut suliaq aallartinneqartoq. Periusissiaq siuarsaanermut, sulisitsinermut nunamilu tamarmi mingutsitsinngitsumik innaallagissiornermik pilersitsinissamut sammivimmik aallaritsissasoq. Paasissutissat malillugit aallarnisaasunut, suliffeqarfinnut minnernut anngajaanullu, nutaaliornernut ilisimasanillu ineriartortitsinernut tamakkiisumik sinaakkusiissassoq.

Maannangaarli suna imarissaneraa, ingerlatsiviit, nunap sortaani, sakkussat imaluunniit piffissarititaasut sulii tamanut nalunaarutigineqanngilaq. Ersarissuliornissaq akuutitsinissamullu periarfissiinissaq qulakkeerniarlugu pingaaruteqarpoq ersarissassallugu, periusissiaq tigussaasumik qanoq imaqaarniarnera, suliaq qanoq aaqqissuunneqassanersoq, aammalu qaqugu tamanut nalunaarutigineqarniarnersoq naatsorsuutigineqarnersoq.

Apeqquteqarnermi siunertaavoq maannakkorpiaq killiffik aammalu alloriarnerit tulliisa qulaajarnissaat, taamaasiornikkut Inatsisartut nakkutigisinnaassammassuk, inuussutissarsiornikkut periusissiaq sunniuteqarluartumik pivusorsiortumillu sakkuussammat nuna tamakkerlugu inuussutissarsiornernerup ineriartornerata nukittorsarnissaanut.

Apeqquteqaatima ullut suliffiusut qulit iluanni akineqarnissaat qilanaaraara.